



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

Extrema unctione.

urn:nbn:de:hbz:466:1-10591

Concedit, in nomine Domini, plenas Pontifex; c. quod autem. 4. de pœnit. & remiss. c. excommunicamus. 13. §. quid autem. de haret. c. ad liberandam. 17. de Iudaïs. Episcopi, non alii Prælati, (nisi ex speciali privilegio, Gl. in c. nostro. 15. de pœnit. & remiss. c. accedentibus. 12. de excess. Prælat.) limitatas. c. cum ex eo. 14. §. fin. de pœn. & remiss. c. 24. quodcunque. 24. qu. 1.

Conceduntur à summo Pontifice, verbo, literis, & quilibet scripturâ, adjectâ Clausulâ, solam signaturam sufficere, etiam in favorem fidei. c. fin. de pœnit. Ext. com.

Cui conceduntur, debet esse Christianus: c. 33. nihil sic debet. 11. qu. 3. c. 7. si quis à Catholica. 23. qu. 4. contritus & confessus, c. 1. §. nos de omnipotentia. Ext. de pœnit. & remiss. credere; ei, qui concedit, esse subditus; c. quod autem. 4. c. nostro. 15. de pœn. & remiss. per se, vel per alium, si res patitur, implere ea quæ indulgentiæ impleri mandant.

Qui tamen morte aut alio impedimento ea non potuit implere, nihilominus remissionem consequitur. Gloss. ad c. 1. ad verb. confitebuntur. circa fin. de pœnit. in Ext. comm. text. in c. 2. eod.

Causæ, ob quas conceduntur, debent esse piæ, ut redemptio captivorum, eleemosynæ, ædificationes Ecclesiærum, & similes. c. 1. eod. in 6. c. quod autem. 4. de pœnit. & remiss.

De Extrema unctione.

T I T. IX.

EXtremæ unctione est, quâ graviter ægrotantium, quos eo morbo morituros probabiliter metuitur, certæ corporis partes sanctificato oleo à Presbytero inunguntur; ut non minus animæ, quam corporis sanitatem operetur.

Introducta mandatu D. Jacobi, in Epist. cap. 5. vers. 14. & 15.

Est vel externa, quâ corpus: vel interna, quâ cor inungitur,

gitur. can. un. in princ. de sacra unc̄t. can. querendum. 6.
de poenit. dist. 2.

Sacramentum est *Vnctio externa*: res sacramenti est *Vnctio interna*, quæ peccatorum remissione & virtutum auctoritate perficitur. Mag. Sentent. lib. 4. dist. 23. sect. 2. Gloss. ad can. Presbyteros. 2. vers. sed verb. sanctificato. dist. 95. arg. c. 1. & 2. de consecr. dist. 5. & c. un. de sacr. unc̄t.

Inungunt, præviâ oratione, sanctificato oleo olivarum, Sacerdotes, c. quæsivit. 14. de verb. sign. c. illud superfluum. 3. dist. 95. vel soli, vel cum clero. d. c. quæsivit. 14. morbo naturali, non casuali, ægrotos; si non amantes, Angel. Clavas. in summa. verb. unc̄tio extrema. num. 4. nec impoenitentes sint, d. c. illud superfluum. nec in peccato mortali existant; qui ipsis subsunt. Alienos subditos si non habitâ speciali Parochi Presbyteri licentiâ inungere ausi fuerint, ipso facto excommunicantur, à solo Pontifice absolvendi. Clem. 1. in princ. de privileg.

Inunguntur ægroti in partibus sensualibus, ex quibus origo peccati; ut oculi, pro peccato visus; aures, propter auditum; nares, ob odoratum; os, propter gustum; manus, propter tactum; pectus, propter appetitum; pedes, propter motum.

Unc̄tio delicta, si quæ sint adhuc expianda, ac peccati reliquias abstergit, & ægroti animum alleviat & confirmat. d. c. Presbyteros. 2. §. prohibitio. dist. 95. c. un. de sacra unc̄t.

Potest hoc Sacramentum iterari, si infirmus unctus ab ea ægritudine resurgat, & postea in aliam cum periculo mortis incidat. Gloss. ad d. c. presbyteros. 2. vers. prohibitio. verb. sanctificato. in fin. dist. 95.

Sunt & aliæ unctiones, vel cuivis Christiano communes; ut olco Catechumenorum ante Baptismum; mox chrismate ante Baptismi solennia peracta; chrismate, in confirmatione. vel particulares; ut Episcopi, in manibus capiteque; Principis secularis, in brachio seu humero. c. un. de sacra unc̄t.